

SPORAZUM O SARADNJI

Između Fakulteta političkih nauka, Univerzitet u Sarajevu i Filozofskog fakulteta,
Univerzitet u Banjoj Luci

Ovaj Sporazum o saradnji (u daljem tekstu: „Sporazum“) je potpisan dana 23.03.2022. između:

- I. **Fakultet političkih nauka**, Univerzitet u Sarajevu, Skenderija 72, Sarajevo 71000, (u daljem tekstu: Fakultet političkih nauka), kojeg zastupa Sead Turčalo, dekan, sa jedne strane.
- i
- II. **Filozofski fakultet**, Univerzitet u Banjoj Luci, Bulevar vojvode Petra Bojovića 1A, Banja Luka 78000 (u daljem tekstu: Filozofski fakultet), koju zastupa Srđan Dušanić, dekan, sa druge strane.

Predmet i svrha sporazuma

Član 1.

Predmet ovog Sporazuma je uspostavljanje i uređivanje dugoročne saradnje Fakulteta političkih nauka i Filozofskog fakulteta (u daljem tekstu: Strane) u oblastima od zajedničkog interesa, te definisanje ciljeva, oblasti saradnje kao i određivanje uloga, prava i odgovornosti svake Strane u skladu sa njihovim vrijednostima, odobrenim pravilima i procedurama.

Član 2.

Svrha saradnje je povezivanje, podrška, dijeljenje resursa, informacija i zajedničko djelovanje radi efikasnijeg sprovođenja aktivnosti vezanih za oblast poboljšanja kvaliteta odgoja i obrazovanja, razvoja nastavničkih kompetencija i doprinosa daljem unapređenju naučnoistraživačkog rada.

Strane zasnivaju svoju međusobnu saradnju na zajedničkim interesima u skladu sa svojim osnovnim djelatnostima i njihovim daljim razvijanjem. Strane će djelovati sa ciljevima koji doprinose ostvarenju svrhe ovog Sporazuma.

Ostvarivanje sporazuma

Član 3.

U međusobnom dogovoru i u dobroj volji, Strane su posvećene i fokusirane na nauku, istraživanje i akademsku izvrsnost, te obezbjeđivanju teorijsko-praktične paradigme kvalitetnog obrazovanja, poboljšanja kvaliteta odgoja i obrazovanja, razvoju nastavničkih kompetencija, te zajedničkom razvoju i implementaciji naučno-istraživačkih projekata.

Član 4.

Strane su saglasne da se realizacijom Sporazuma ostvaruju sljedeći ciljevi :

- Razmjena kontakata, informacija, materijala, ekspertize iz globalne i lokalne mreže;
- Razvijanje kapaciteta Strana za primjenu metodologije koja obezbjeđuje aktivno učenje i istraživanje;
- Organizovanje zajedničkih obuka i seminara za osoblje u naučnoistraživačkom radu;
- Osmišljavanje i razvijanje obrazovnih sadržaja i didaktičkih materijala za online i offline baze materijala na teme od zajedničkog interesa;
- Zajednički odabir (pilot područja) za ispitivanje različitih pristupa iz oblasti zagovaranja i unapređenja obrazovanja;
- Zajednički i/ili samostalni rad na pronalaženju sredstava za finansiranje konkretnih projekata saradnje;
- Praćenje napretka razvijanja kapaciteta za naučnoistraživački rad;

- Razvoj i realizacija programa obuke u svrhu pružanja podrške kontinuiranom profesionalnom razvoju u domenu naučnoistraživačkog rada, u skladu sa relevantnim propisima i nadležnostima;
- Obuka za trenere i njihova certifikacija za realizaciju određenih programa obuke;
- Priprema on-line kurseva i razvoj web platforme sa resursima za naučnoistraživački rad;
- Podrška u kreiranju profesionalnih zajednica za učenje;
- Izdavanje priručnika i drugih publikacija u domenu naučnoistraživačkog rada;
- Realizacija konferencija i drugih stručnih skupova;
- Podrška studentima.

Jačanje naučnoistraživačkog rada

Član 5.

Strane će, realizovati niz aktivnosti usmjerenih na jačanje naučnoistraživačkog rada kroz zajedničke aktivnosti. Saradnja će se realizovati u sljedećim aktivnostima:

- Razmjenom dobrih i inovativnih praksi u oblasti predškolskog, osnovnog i srednjeg obrazovanja i visokog obrazovanja;
- Učešću u provedbi naučnoistraživačkih projekata;
- Priprema i podrška realizacije projekata od zajedničkog interesa;
- Promocije usmjerena na podizanje svijesti o važnosti nauke, istraživanje i akademske izvrsnosti u društvu;
- Kampanje i promocije vezane za pružanje podrške razvoju kvalitete u visokom obrazovanju.
- Razvoj medijske i informacijske pismenosti.

Promocija saradnje

Član 6.

Strane su saglasne o potrebi promocije saradnje i uloge svake Strane i koriste svoje nazive i logotipe, u skladu sa internim procedurama i pravilima, u svim dokumentima i materijalima koji se odnose na saradnju. Poželjno je isticanje saradnje, uz promociju zajedničkih aktivnosti, organizacija i logotipa.

Prije objavljivanja bilo kakve informacije koja uključuje pominjanje druge Strane ili upotrebe logotipa druge strane potrebno je saopštenje, objavu, publikaciju i druge materijale dostaviti na pisano odobrenje.

Troškovi

Član 7.

Strane su se sporazumjele da svaka Strana u okviru granica svojih budžeta snosi svoje troškove, koji eventualno proisteknu povodom realizacije ciljeva utvrđenih ovim Sporazumom, osim ukoliko se drugačije ne sporazumiju posebnim ugovorom za konkretnu situaciju.

Završne odredbe

Član 8.

Nijedna Strana ne može drugu obavezati niti na jedan stav ili radnju, niti tvrdnju u ime, ili kao predstavnik druge Strane ovog Sporazuma.

Član 9.

Strane započinju ovu saradnju sa najvećim uzajamnim poštovanjem, a u malo vjerovatnom slučaju spora, neslaganja ili potraživanja između Strana koji proizilaze iz ili u vezi sa ovim Sporazumom, Strane će prvo pokušati da spor razriješe mirnim putem u međusobnom razgovoru.

U slučaju da spor, neslaganje ili potraživanje ne mogu biti razriješeni mirnim putem, Strane su saglasne da će nadležni sud sa sjedištem u Sarajevu imati isključivu nadležnost u vezi sa tim sporom, neslaganjem ili potraživanjem, uključujući bilo kakvu van ugovornu obavezu proisteklu iz ili u vezi sa ovim Sporazumom.

Član 10.

Kontakt detalji Strana za dostavljanje potrebnih obavještenja i komunikaciju su:

1. **Fakultet Političkih nauka, Univerzitet u Sarajevu**
Skenderija 72, Sarajevo 71000
Osoba za kontakt:
Sead Turčalo
Tel: +387 33 203-562
e-mail: dekanat@fpn.unsa.ba
2. **Filozofski fakultet, Univerzitet u Banjoj Luci**
Bulevar vojvode Petra Bojovića 1A, Banja Luka 78000
Osoba za kontakt:
Srđan Dušanić
Tel: +387 51 322 780
e-mail: info@ff.unibl.org

Član 11.

Sporazum se zaključuje na neodređeno vrijeme, a stupa na snagu danom potpisivanja.

Sporazum može prestati sporazumnim raskidom ili otkazom jedne od strana potpisnica.

Svaka Strana može raskinuti ovaj Sporazum slanjem pisanog obavještenja o raskidanju drugoj Strani dva (2) mjeseca unaprijed.

Sporazum prestaje da proizvodi pravno dejstvo istekom roka od 90 (devedeset) dana od prijema pismenog obavještenja o otkazu.

U slučaju raskida Sporazuma strane zadržavaju sva prava stečena izvršavanjem njegovih odredbi za vreme važenja.

Svaka strana učesnica Sporazuma može predložiti odgovarajuću izmjenu i dopunu Sporazuma, koja se vrši na način na koji je Sporazum i zaključen.

Sporazum je sačinjen u četiri (4) istovjetna primjerka, od kojih po dva (2) za svaku sporazumnu stranu.

Fakultet Političkih nauka, Univerzitet u Sarajevu

Sead Turčalo
Dekan

Potpis ovlaštenog predstavnika

Pečat

Datum i mjesto 23.3.2022, Sarajevo
01-3-319-1/22

Filozofski fakultet, Univerzitet u Banjoj Luci

Srđan Dušanić
Dekan

Potpis ovlaštenog predstavnika

Pečat

Datum i mjesto 07/1.5/16/22
04.04.2022